



Ўзбекистон Республикаси
Адлия вазирлиги



Ўзбекистон Республикаси
Иқтисодиёт ва молия вазирлиги
хузуридаги Кадастр агентлиги

Ўзбекистон Республикаси
Қишлоқ хўжалиги вазирлиги



Ўзбекистон фермер, дехқон
хўжаликлари ва томорқа ер эгалари
кенгаши

ФЕРМЕР ХЎЖАЛИГИ БОШЛИГИНИ ЎЗГАРТИРИШ ВА РАСМИЙЛАШТИРИШ ТАРТИБИ

УСЛУБИЙ ҚЎЛЛАНМА

ТОШКЕНТ - 2023

ЎЗБЕКИСТОН РЕСПУБЛИКАСИ АДЛИЯ ВАЗИРЛИГИ
ЎЗБЕКИСТОН РЕСПУБЛИКАСИ ҚИШЛОҚ ХЎЖАЛИГИ ВАЗИРЛИГИ
ЎЗБЕКИСТОН РЕСПУБЛИКАСИ ИҚТИСОДИЁТ ВА МОЛИЯ ВАЗИРЛИГИ
ХУЗУРИДАГИ КАДАСТР АГЕНТЛИГИ
ЎЗБЕКИСТОН ФЕРМЕР, ДЕҲҶОН ХЎЖАЛИКЛАРИ ВА ТОМОРҚА ЕР ЭГАЛАРИ
КЕНГАШИ

Н. Рустамбеков, Н. Тилляев, С. Азизов, Я. Хасанов

**ФЕРМЕР ХЎЖАЛИГИ БОШЛИГИНИ ЎЗГАРТИРИШ
ВА РАСМИЙЛАШТИРИШ ТАРТИБИ**

УСЛУБИЙ ҚЎЛЛАНМА

МУНДАРИЖА

1.	Кириш	4
2.	Умумий қоидалар	5
3.	Фермер хўжалиги бошлигини ўзгартириш асослари	5
4.	Фермер хўжалиги бошлиғи ўзгарганлигини расмийлаштириш тартиби	7
	Фермер хўжалиги бошлиғи вафот этганда ер участкасини ижарага олиш ҳуқуқининг меросхўрларга ўтиш тартиби	7
	Ер участкасига бўлган ижара ҳуқуқини фермер хўжалигининг янги бошлиғига ўтказиш тартиби	10
5.	Фермер хўжалиги фаолиятини тартибга солувчи қонунчилик ҳужжатлари	14
Иловалар:		
	Фермер хўжалигининг бошлиғи вафот қилганлиги муносабати билан ер ижара шартномасига ўзгартириш киритиш бўйича туман (шаҳар) ҳокимлигига бериладиган ариза намунаси	15
	Ер ижара шартномасига ўзгартириш киритиш бўйича келишувнинг намунавий лойиҳаси	16
	Фермер хўжалигининг йиғилиши баёни намунаси	18
	Фермер хўжалигининг бошлиғи алмашганлиги муносабати билан ер ижара шартномасига ўзгартириш киритиш бўйича туман (шаҳар) ҳокимлигига бериладиган ариза намунаси	20
	Ер ижара шартномасига ўзгартириш киритиш бўйича уч томонлама келишувнинг намунавий loyiҳаси	21-22

КИРИШ

Фермер хўжалиги бошлиғини ўзгартириш ва расмийлаштириш тартиби бўйича услугий қўлланма (кейинги ўринларда – Кўлланма деб аталади) Ўзбекистон Республикаси Адлия вазирлиги, Қишлоқ хўжалиги вазирлиги, Иқтисодиёт ва молия вазирлиги ҳузуридаги Кадастр агентлиги ҳамда Ўзбекистон фермер, деҳқон хўжаликлари ва томорқа ер эгалари кенгаши билан биргаликда ишлаб чиқилган.

Кўлланма фермер хўжалигининг бошлиғи ўзгарган тақдирда, ушбу ўзгаришларни қонунчилик талабларига мувофиқ тартибда расмийлаштиришда **ягона ҳуқуқни қўллаш амалиётини шакллантириш мақсадида ишлаб чиқилди**.

Кўлланмада фермер хўжалигининг бошлиғи ўзгаришининг асослари, тартиби ва шартлари, бундай ўзгаришни расмийлаштириш тартиби баён этилган ҳамда ҳужжатларнинг намуналари, соҳани тартибга солувчи қонунчилик ҳужжатларига ҳаволалар келтириб ўтилган.

Кўлланмани очиқ манбаларга жойлаштиришга рухсат берилади ва ундан фойдаланиш бепул ҳисобланади.

Қонунчилик ҳужжатлари ўзгариши муносабати билан ушбу Кўлланма такомиллаштириб борилади, шу сабабли Кўлланманинг янгилangan санасига эътибор қаратиш лозим.

Кўлланма ишлаб чиқилган сана: **13.03.2023 йил**

I. УМУМИЙ ҚОИДАЛАР

1. Мазкур қўлланма фермер хўжалиги бошлиғи вафот этганда, пенсия ёшига тўлганда ёки меҳнат қобилиятини йўқотганда, шунингдек муддатли ҳарбий хизматга чақирилган, олий таълим муассасаларига кундузги ўқишига қабул қилинган, сайлаб қўйиладиган лавозимларга сайланган тақдирда, ер участкасини ижарага олиш ҳуқуқини “Фермер хўжалиги томонидан ер участкасини узоқ муддатли ижарага олиш тўғрисида”ги шартномага (кейинги ўринларда – **ер ижара шартномаси**) ўзгартиришлар киритиш орқали талабларига жавоб берадиган ўз оила аъзоларидан бирига қонунчиликка мувофиқ ер ижара шартномаси амал қиласидиган муддатга беришда ҳуқуқни қўллаш амалиётини тартибга солади.

2. Кўлланма туман (шаҳар) ҳокимликлари ва давлат бошқаруви органлари ходимлари учун хизмат вазифаларини бажаришда методик қўлланма вазифасини ўтайди.

3. Мазкур қўлланмада қуйидаги асосий тушунчалардан фойдаланилади:

фермер хўжалиги – ижарага берилган ер участкаларидан фойдаланган ҳолда қишлоқ хўжалиги маҳсулотини етиштириш ҳамда қонунчиликда тақиқланмаган бошқа фаолият турлари билан шуғулланувчи тадбиркорлик субъекти;

фермер хўжалигининг бошлиғи – шу хўжаликнинг муассиси бўлган фермердир;

оила аъзолари – эр-хотин, ота-она ва болалар (фарзандликка оловчилар ва фарзандликка олинганлар).

II. ФЕРМЕР ХЎЖАЛИГИ БОШЛИҒИНИ ЎЗГАРТИРИШ АСОСЛАРИ

4. Фермер хўжалигининг бошлиғини ўзгартириш бу мажбурият **эмас**, балки бевосита фермер хўжалигининг **бошлиғи** ва фермер хўжалигини бошқаришни ўз зиммасига олаётган **оила аъзоларидан бирининг ҳуқуқи** ҳисобланади.

Ўзбекистон Республикаси “Фермер хўжалиги тўғрисида”ги Қонунининг 13-моддасига кўра, “фермер хўжалиги бошлиғи

вафот этган тақдирда, ер участкасини ижарага олиш ҳуқуқи қонунчиликка мувофиқ ижарага олиш шартномасининг амал қилиш муддатига мерос бўйича ўтади". Бу тегишли тартибда расмийлаштирилади.

Мазкур 13-моддага мувофиқ, ер участкасини фермерлик фаолияти билан шуғулланиш учун ижарага олиш ҳуқуқини ер ижара шартномасига ўзгартирислар киритиш орқали ўз оила аъзоларидан бирига ер ижара шартномаси амал қиладиган муддатга бериш учун қуидаги ҳолатлар **асос бўлади**:

- пенсия ёшига тўлганлиги;
- меҳнат қобилиятини йўқотганлиги;
- муддатли ҳарбий хизматга чақирилганлиги;
- олий таълим муассасаларига кундузги ўқишига қабул қилинганлиги;
- сайлаб қўйиладиган лавозимларга сайланганлиги.

Юқоридаги ҳолатлардан бири юз берганда фермер хўжалиги бошлиғи хоҳишига кўра, оила аъзоларидан бирига фермер хўжалиги бошлиғи вазифасини ўтказиши мумкин.

БУНИ БИЛИШ ЗАРУР!

Фермер хўжалигига янги тайинланаётган раҳбар ушбу фермер хўжалиги олдинги раҳбарининг оила аъзоси эканлигини тасдиқловчи ҳужжатни асос сифатида келтиради.

Фермер хўжалигининг янги бошлиғи ўн саккиз ёшга тўлган, қишлоқ хўжалигига тегишли малака ёки иш тажрибасига эга бўлган Ўзбекистон Республикасининг фуқароси бўлиши лозим.

БУНИ БИЛИШ ЗАРУР!

Фермер хўжалигига берилган ер участкалари хусусийлаштирилиши, шунингдек олди-сотди, гаров, ҳадя, айирбошлаш объекти бўлиши мумкин эмас.

Фермер хўжалигининг бошлиғи алмашган тақдирда ер ижараси муддати янгидан ҳисобланмайди, фермер хўжалигининг янги бошлиғига ижаранинг фақатгина қолган муддати давомида ер участкасидан фойдланиш ҳуқуқи ўтади.

МИСОЛ

"A" фермер хўжалигига қишлоқ хўжалигига мўлжалланган ер участкаси 2000 йил март ойида 35 йилга, яъни 2035 йил март ойигача ижарага берилган. 2023 йил апрель ойида фермер хўжалигининг бошлиғи алмашса, қишлоқ хўжалигига мўлжалланган ер участкасининг ижара муддати ўзгармаган ҳолда 2035 йил март ойигача бўлиб қолаверади.

IV. ФЕРМЕР ХЎЖАЛИГИ БОШЛИҒИ ЎЗГАРГАНЛИГИНИ РАСМИЙЛАШТИРИШ ТАРТИБИ

5. Фермер хўжалиги бошлиғи вафот этганда, ер участкасини ижарага олиш хуқуқининг меросхўрларга ўтиш тартиби.

Фермер хўжалиги бошлиғи вафот этганда, ер участкасини ижарага олиш хуқуқи қонунчиликка мувофиқ ер ижара шартномасининг амал қилиш муддатига меросхўрларга ўтади.

БУНИ БИЛИШ ЗАРУР!

Фермер хўжалиги бошлиғи вафот этганда, фермер хўжалиги мулкий комплекс сифатида меросхўрларга ўтади.

5.1. Фермер хўжалиги бошлиғи вафот этганда, ер участкасини ижарага олиш хуқуқини меросхўрларга ўзгартириш қўйидагича босқичларда амалга оширилади.

Биринчи босқич. Мерос гувоҳномаси олинади.

Мерос очилган жойдаги нотариус меросхўр(лар)нинг ёзма аризасига кўра **мерос гувоҳномасини** беради.

Меросга бўлган хуқуқ тўғрисидаги гувоҳнома мерос очилган кундан эътиборан **олти ой** ўтганидан кейин берилади.

Қонун бўйича мерос олинганида ҳам, васиятнома бўйича мерос олинганида ҳам, агар нотариус тегишили мол-мулкка ёхуд бутун меросга нисбатан гувоҳнома беришни сўраб мурожаат этган шахслардан бошقا меросхўрлар йўқлиги тўғрисида маълумотларга эга бўлса, гувоҳнома юқорида кўрсатилган муддат тугамасидан олдин берилиши мумкин.

Меросхўр (агар кўп бўлса, улардан бири) ёки унинг вакили мерос қолдирувчининг вафот этганлиги ҳақидаги гувоҳнома ёки далолатнома ёзувидан кўчирмани нотариусга тақдим этади.

Фермер хўжалигининг мол-мулки қонунчилик ҳужжатларига мувофиқ **vasiyatnomasi orqali** мерос қилиб қолдирилиши мумкин.

**БУНИ БИЛИШ
ЗАРУР!**

Фермер хўжалигининг мол-мулки қонунчиликка мувофиқ мерос қилиб қолдирилганда, хўжаликда фаолиятни давом эттираётган меросхўрлар меросга бўлган ҳуқуқ тўғрисидаги гувоҳнома берилганлиги учун давлат бојси тўлашдан озод этиладилар.

Иккинчи босқич. Фермер хўжалиги қайта давлат рўйхатидан ўтказилади.

Меросхўр фермер хўжалиги бошлиғи ўзгарганлиги муносабати билан фермер хўжалигининг янги уставини давлат рўйхатидан ўтказиш учун Ягона интерактив давлат хизматлари портали (my.gov.uz) орқали ёки давлат хизматлари марказига келган ҳолда ариза билан мурожаат қиласи.

Аризага фермер хўжалигининг янгилangan устави, фермер хўжалиги бошлиғини вафот этганлиги ҳақидаги гувоҳнома ёки далолатнома ёзувидан кўчирма, мерос тўғрисидаги гувоҳнома илова қилинади.

Фермер хўжалигининг янгилangan уставини қайта давлат рўйхатидан ўтказиш учун базавий ҳисоблаш миқдорининг **1 баравари миқдорида тўлов қилинади** ҳамда қайта давлат рўйхатидан ўтказилади.

**БУНИ БИЛИШ
ЗАРУР!**

Фермер хўжалигининг янгилangan уставини қайта давлат рўйхатидан ўтказиш учун ягона интерактив давлат хизматлари портали (my.gov.uz) орқали ариза берилганида **БХМнинг 90 фоизи** миқдорида тўлов тўланади.

Учинчи босқич. Туман (шаҳар) ҳокимлигига ариза ёзилади.

Аризада меросхўр фермер хўжалиги бошлиғи вафот этганлиги сабабли фермер хўжалиги бошлиғи бўлиш ва ер участкасини ижарага олиш ҳуқуқини унга ўтказиш бўйича ер ижара шартномасига ўзгартиш киритишни баён қиласи, асос сифатида вафот этганлиги ҳақидаги гувоҳнома ёки далолатнома ёзувидан кўчирма, мерос тўғрисидаги гувоҳнома нусхаси илова қилинади.

Ариза ва илова қилинадиган ҳужжатлар ҳокимликка анъянавий тартибда қоғоз шаклида тақдим этилади.

**ИЛОВАДАГИ
НАМУНАГА
ҚАРАНГ**

Фермер хўжалигининг бошлиғи вафот қилганлиги муносабати билан ер ижара шартномасига ўзгартириш киритиш бўйича туман (шаҳар) ҳокимлигига бериладиган ариза намунаси ушбу Қўлланмага 1-иловада келтирилган.

Тўртинчи босқич. Ер ижара шартномасига ўзгартиш киритиш бўйича шартнома тузилади.

Ер ижара шартномасига ўзгартиш киритиш бўйича келишув икки томонлама ёзма шаклда (1) ижарага берувчи – ҳокимлик ва (2) янги ижарага олган меросхўр – фермер хўжалигининг янги бошлиғи томонидан уч нусхада имзоланади. Шартноманинг бир нусхаси кадастр органларига тақдим этилади, қолган нусхалари тарафларда қолади.

**ИЛОВАДАГИ
НАМУНАГА
ҚАРАНГ**

Ер ижара шартномасига ўзгартиш киритиш бўйича келишувнинг намунавий лойиҳаси ушбу Қўлланмага 2-иловада келтирилган.

Бешинчи босқич. Фермер хўжалигининг ерга бўлган ҳуқуқи қайта давлат рўйхатидан ўтказилади.

Ер участкасига бўлган ҳуқуқ белгиланган тартибда давлат рўйхатидан ўтгандан сўнг вужудга келади.

Мерос бўйича ер участкасига бўлган ҳуқуқни давлат рўйхатидан ўтказиш учун қуидагилар **асос бўлади**:

- а)** фермер хўжалиги бошлиғини вафот этганлиги ҳақидаги гувоҳнома ёки далолатнома ёзувидан қўчирма;
- б)** мерос тўғрисидаги гувоҳнома;
- в)** ер участкасининг ижара шартномаси.

Ер участкасига бўлган ҳуқуқни давлат рўйхатидан ўтказиш учун **ягона интерактив давлат хизматлари портали (my.gov.uz)** орқали ёки давлат хизматлари марказига ижара шартномасига ўзгартириш киртилган кундан бошлаб **бир ой ичида** мурожаат қилиш лозим (бир ойлик муддатни бузиш маъмурий жарима қўлланилишига сабаб бўлади).

Ер участкасига бўлган ҳуқуқни давлат рўйхатидан ўтказиш Кадастр органлари томонидан **2 иш куни ичида** амалга оширилади.

Ер участкасига бўлган ҳуқуқни давлат рўйхатидан

үтказганлик учун **базавий ҳисоблаш миқдорининг 5,0 бараварида тўлов ундирилади.**

БУНИ БИЛИШ ЗАРУР!

Фермер хўжалигининг янгиланган уставини қайта давлат рўйхатидан ўтказиш учун ягона интерактив давлат хизматлари портали (ty.gov.uz) орқали ариза берилганида **БХМниг 90 фоизи** миқдорида тўлов тўланади.

6. Ер участкасига бўлган ижара ҳуқуқини фермер хўжалигининг янги бошлиғига ўтказиш тартиби

6.1. Фермер хўжалиги бошлиғи (1) пенсия ёшига тўлганда, (2) меҳнат қобилиятини йўқотганда, (3) муддатли ҳарбий хизматга чақирилганда, (4) олий таълим муассасаларига кундузги ўқишига қабул қилинганда, (5) сайлаб қўйиладиган лавозимларга сайланганда **ер участкасига бўлган ижара ҳуқуқини фермер хўжалигининг янги бошлиғига ўтказиш тартиби.**

Фермер хўжалиги бошлиғини ва ер участкасини ижарага олиш ҳуқуқини ўз оила аъзоларидан бирига ўтказиш зарурати юзага келганда, ер участкасига бўлган ижара ҳуқуқини фермер хўжалигининг янги бошлиғига ўтказиш мумкин.

6.2. Тегишли ҳолат юз берганлиги қўйидаги ҳужжатлар билан тасдиқланади:

Асос	Ҳужжат номи	Тасдиқловчи ҳужжатни берувчи ташкилот
Пенсия ёшига тўлганлиги	пенсия гувоҳномаси	Пенсия жамғармасининг туман (шаҳар) бўлими
Меҳнат қобилиятини йўқотганлиги	тиббий-ижтимоий эксперт комиссиясининг хulosаси	худудий тиббий-ижтимоий эксперт комиссиялари
Муддатли ҳарбий хизматга чақирилганлиги	чақирилувчининг қайд этилганлиги тўғрисидаги гувоҳнома	туман (шаҳар) мудофаа ишлари бўлими
Олий таълим муассасаларига кундузги ўқишига қабул қилинганлиги	ўқиш жойидан маълумотнома	олий таълим муассасалари (ОТМ)
Сайлаб қўйиладиган лавозимларга сайланганлиги	сайланганлиги тўғрисида гувоҳнома	Марказий сайлов комиссияси, вилоят, туман, шаҳар сайлов комиссиялари

7. Фермер хўжалиги бошлиғини ўзгартириш қўйидагича босқичларда амалга оширилади:

Биринчи босқич. Фермер хўжалиги аъзоларининг умумий йиғилиши ўтказилади.

Умумий йиғилишда фермер хўжалиги бошлиғилигини алмаштириш ва фермер хўжалиги уставига ўзгартириш киритиш масалалари муҳокама қилинади, фермер хўжалигининг янги бошлиғи номзоди кўриб чиқилади ва тасдиқланади.

Умумий йиғилиш якуни бўйича қарор қабул қилинади.

**ИЛОВАДАГИ
НАМУНАГА
ҚАРАНГ**

Фермер хўжалигининг йиғилиш баёни намунаси ушбу Кўлланмага З-иловада келтирилган.

Иккинчи босқич. Фермер хўжалиги қайта давлат рўйхатидан ўтказилади.

Фермер хўжалигининг бошлиғи ўзгарганлиги муносабати билан фермер хўжалигининг янгиланган устави қайта давлат рўйхатидан ўтказилади.

Фермер хўжалигининг янгиланган уставини қайта давлат рўйхатидан ўтказиш учун **Ягона интерактив давлат хизматлари портали (my.gov.uz)** орқали ёки давлат хизматлари марказига ўзи келган ҳолда мурожаат қилиш лозим.

Ер участкасига бўлган ҳуқуқларнинг вужудга келиши ер участкаларини ижарага олиш ҳуқуқини рўйхатдан ўтказиш учун тарафлар томонидан имзоланган ер ижара шартномаси асос бўлади.

Аризада фермер хўжалиги бошлиғи алмаштирилганлиги ва янги бошлиқ тайинланганлиги муносабати билан туман ҳокимлиги ва фермер хўжалиги ўртасида тузилган ижара шартномасига ўзгартириш киритилганлиги баён этилади ҳамда шу муносабат билан фермер хўжалиги уставига ўзгартириш киритиш сўралган ҳолда қўйидаги хужжатлар илова қилинади:

- а)** умумий йиғилиш қарори;
- б)** ер участкасининг ижара шартномаси;
- в)** ушбу Кўлланманинг 6-бандида кўрсатилган тегишли

хужжат нусхаси.

Фермер хўжалигининг янгиланган уставини қайта давлат рўйхатидан ўтказиш учун **базавий ҳисоблаш миқдорининг 1 баравари миқдорида тўлов қилинади.**

**БУНИ БИЛИШ
ЗАРУР!**

Фермер хўжалигининг янгиланган уставини қайта давлат рўйхатидан ўтказиш учун Ягона интерактив давлат хизматлари портали (ty.gov.uz) орқали ариза берилганида **БХМниг 90 фоизи** миқдорида тўлов тўланади.

учинчи босқич: туман (шаҳар) ҳокимлигига ариза ёзилади.

Аризада пенсия ёшига тўлганлиги ёки меҳнат қобилиятини йўқотганлиги, шунингдек муддатли ҳарбий хизматга чақирилганлиги, олий таълим муассасаларига кундузги ўқишга қабул қилинганлиги, сайлаб қўйиладиган лавозимларга сайланганлиги – шулардан тегишли сабаб кўрсатилади ҳамда унга қуидаги хужжатлар илова қилинади:

- а)** ушбу Кўлланманинг 6-бандида кўрсатилган тегишли хужжат нусхаси;
- б)** умумий йиғилиш қарори.

Ариза ва унга илова қилинадиган хужжатлар ҳокимликка қофоз шаклида тақдим этилади.

**ИЛОВАДАГИ
НАМУНАГА
ҚАРАНГ**

Фермер хўжалигининг бошлиғи алмашганлиги муносабати билан ер ижара шартномасига ўзгартириш киритиш бўйича туман (шаҳар) ҳокимлигига бериладиган ариза намунаси ушбу Кўлланмага 4-иловада келтирилган.

Тўртинчи босқич. Ер участкаси ижараси шартномасига ўзгартиш киритиш бўйича уч томонлама шартнома тузилади.

Уч томонлама шартнома **тўрт нусхада**, ёзма шаклда тузилади ҳамда (1) ижарага берувчи – ҳокимлик, (2) муқаддам ижарага олган – фермер хўжалигининг собиқ бошлиғи ва (3) янги ижарага олган – фермер хўжалигининг янги бошлиғи томонидан имзоланади. Уч томонлама шартномасининг бир нусхаси кадастр органларига тақдим этилади, қолган нусхалари тарафларда қолади.

**ИЛОВАДАГИ
НАМУНАГА
ҚАРАНГ**

Ер ижара шартномасига ўзгартиш киритиш бўйича уч томонлама келишувнинг намунавий лойиҳаси ушбу Кўлланмага 5-иловада келтирилган.

Бешинчи босқич. Ер участкасига бўлган ҳуқуқ давлат рўйхатидан ўтказилади.

Ер участкасига бўлган ҳуқуқ белгиланган тартибда давлат рўйхатидан ўтгандан сўнг вужудга келади.

Ер участкасига бўлган ҳуқуқни давлат рўйхатидан ўтказиш учун қуийдагилар **асос бўлади**:

- а)** умумий йиғилиш қарори;
- б)** ер участкасининг ижара шартномаси.

Ер участкасига бўлган ҳуқуқни давлат рўйхатидан ўтказиш учун **Ягона интерактив давлат хизматлари портали (my.gov.uz) орқали ёки давлат хизматлари марказига** ижара шартномасига ўзгартириш киритилган кундан бошлаб **бир ой ичида** мурожаат қилиш лозим (бир ойлик муддатни бузиш маъмурий жарима қўлланилишига сабаб бўлади).

Ер участкасига бўлган ҳуқуқни давлат рўйхатидан ўтказиш Кадастр органлари томонидан **2 иш куни ичида** амалга оширилади.

Ер участкасига бўлган ҳуқуқни давлат рўйхатидан ўтказганлик учун **базавий ҳисоблаш миқдорининг 5,0 бараварида тўлов** ундирилади.

**БУНИ БИЛИШ
ЗАРУР!**

Фермер хўжалигининг янгилangan устави қайта давлат рўйхатидан ўтказиш учун Ягона интерактив давлат хизматлари портали (my.gov.uz) орқали ариза берилганида **БҲМнинг 90 фози миқдорида тўлов тўланади**.

Фермер хўжалиги фаолиятини тартибга солувчи қонунчилик ҳужжатлари

- 1.** Ўзбекистон Республикасининг Ер кодекси
- 2.** Ўзбекистон Республикасининг “Фермер хўжалиги тўғрисида”ги Қонуни
- 3.** Ўзбекистон Республикаси Президентининг 2017 йил 9 октябрдаги ПФ-5199-сон “Фермер, дехқон хўжаликлари ва томорқа ер эгаларининг ҳуқуқлари ва қонуний манфаатларини ҳимоя қилиш, қишлоқ хўжалиги экин майдонларидан самарали фойдаланиш тизимини тубдан такомиллаштириш чора-тадбирлари тўғрисида”ги Фармони
- 4.** Ўзбекистон Республикаси Президентининг 2006 йил 9 январдаги ПФ-3709-сон “Мева-сабзавотчилик ва узумчилик соҳасида иқтисодий ислоҳотларни чукурлаштириш чора-тадбирлари тўғрисида”ги Фармони
- 5.** Вазирлар Маҳкамасининг 2020 йил 24 августдаги 501-сон “Тугатилаётган ёки мақбуллаштирилаётган фермер хўжалиги ёки қишлоқ хўжалиги маҳсулотларини етиштирувчи бошқа субъектларга ажратилган ер майдонида сарфланган харажатлар қийматини ҳисоблаш ва қоплаш тартиби тўғрисидаги низомни тасдиқлаш ҳақида”ги қарори
- 6.** Вазирлар Маҳкамасининг 2019 йил 9 январдаги 14-сон “Фермер хўжаликлари ва бошқа қишлоқ хўжалиги корхоналари ер майдонларини мақбуллаштириш ҳамда қишлоқ хўжалиги экин ерларидан самарали фойдаланишга доир қўшимча чора-тадбирлар тўғрисида”ги қарори
- 7.** Вазирлар Маҳкамасининг 2018 йил 3 мартағи 258-сон “Сабзавот-полизчилик, боғдорчилик ва узумчилик йўналишидаги фермер хўжаликларининг ер майдонларидан фойдаланиш самарадорлигини ошириш чора-тадбирлари тўғрисида”ги қарори

ИЛОВАЛАР

1-ИЛОВА

ФЕРМЕР ХЎЖАЛИГИНИНГ БОШЛИГИ ВАФОТ ҚИЛГАНЛИГИ МУНОСАБАТИ БИЛАН ЕР ИЖАРА ШАРТНОМАСИГА ЎЗГАРТИРИШ КИРИТИШ БЎЙИЧА ТУМАН (ШАҲАР) ҲОКИМЛИГИГА БЕРИЛАДИГАН АРИЗА НАМУНАСИ

Иштихон тумани ҳокими
А. Алиевга

“Шодлик” фермер хўжалиги
 бошлиғи **И. Жўраевнинг** қонуний
 меросхўри, **Иштихон** тумани,
Мустақиллик МФЙ, **Ишонч**
 кўчаси, 5-йида яшовчи
 фуқаро **А. Жўраев**дан

АРИЗА

Мени ариза ёзишимдан мақсадим шуки, **отам Жўраев Ибодулла Хатамович** тумандаги “**Шодлик**” фермер хўжалиги бошлиғи сифатида **2012** йилдан буён фаолият юритган ҳамда туман ҳокимлиги ва фермер хўжалиги ўртасида **105-сон** ер участкасини ижарага бериш шартномаси **2012** йил **10 март** куни тузилган.

Отам Жўраев Ибодулла Хатамович 2022 йил **15 август** куни вафот этганлиги сабабли, “**Шодлик**” фермер хўжалиги бошлиғи бўлиш ва ер участкасини ижарага олиш ҳуқуқи **Иштихон** туманида хусусий амалиёт билан шуғулланувчи нотариус **Б. Хошимов** томонидан **2023** йил **10 март** куни берилган мерос гувоҳномасига асосан менга ўтказилди.

Юқоридагиларга кўра, “Фермер хўжалиги тўғрисида”ги Қонуннинг 13-моддасига асосан “**Шодлик**” фермер хўжалиги ва туман ҳокимлиги ўртасида **2012** йил **10 март** куни тузилган ер участкасини ижарага бериш шартномасига ўзгартириш киритишингизни сўрайман.

Илова:

1. Фермер хўжалиги бошлиғининг вафот этганлиги ҳақидаги гувоҳнома ёки далолатнома ёзувидан кўчирма;
2. Мерос тўғрисидаги гувоҳнома.

2023 йил 1 февраль.

“**Шодлик**” фермер хўжалиги
 бошлиғи **И. Жўраевнинг**
 қонуний меросхўри, фуқаро

Имзо

А. Жўраев

2-ИЛОВА

**ЕР ИЖАРА ШАРТНОМАСИГА ЎЗГАРТИШ КИРИТИШ БҮЙИЧА
КЕЛИШУВНИНГ НАМУНАВИЙ ЛОЙИҲАСИ**

**Фермер хўжалиги бошлигини ўзгартириш бўйича 2012 йил
 10 марта “Фермер хўжалиги томонидан ер участкасини узоқ
 муддатли ижарага олиш тўғрисида”ги 105-сон шартномага
 ўзгартириш ва қўшимчалар киритиш ҳақидаги
 КЕЛИШУВ**

2023 йил 15 марта

312-сон

Иштихон тумани

Бундан буён матнда “Ижарага берувчи” деб юритилувчи **Иштихон** туман (шаҳар) ҳокими **А. Алиев** бир томондан, бундан буён матнда “Ижарага оловчи” деб юритилувчи “**Шодлик**” фермер хўжалиги бошлиғи **И. Жўраев**нинг қонуний меросхўри фуқаро **А. Жўраев** иккинчи томондан қуидагилар ҳақида мазкур Келишувни туздилар.

1. КЕЛИШУВ ПРЕДМЕТИ

1.1. Фермер хўжалигининг амалдаги бошлиғи **И. Жўраев** 2022 йил **15 август**да вафот этганлиги ҳамда тумандаги хусусий амалиёт билан шуғулланувчи нотариус **Б. Хошимов** томонидан ижарага оловчига **2023 йил 10 марта** куни мерос гувоҳномаси берганлиги сабабли, ижарага оловчи “Фермер хўжалиги тўғрисида”ги Қонуннинг 13-моддасига асосан фермер хўжалиги бошлиғини ўзгартириш юзасидан **2023 йил 1 февраль**да туман ҳокимлигига мурожаат қилган.

Шунга кўра, томонлар “Ижарага берувчи” ва “**Шодлик**” фермер хўжалиги ўртасида **2012 йил 10 марта куни** тузилган “Фермер хўжалигига ер участкасини узоқ муддатли ижарага бериш тўғрисида”ги **105-сон** шартномага (кейинги ўринларда – “Шартнома” деб юритилади) қуидаги ўзгартириш ва қўшимчалар киритиш бўйича келишдилар:

а) Шартноманинг кириш қисми, реквизитларидаги “Ижарага оловчи” деб юритилувчи “**Шодлик**” фермер хўжалиги бошлиғи **“И. Жўраев”** сўзлари “Ижарага оловчи” деб юритилувчи “**Шодлик**” фермер хўжалиги бошлиғи **“А. Жўраев”** сўзларига алмаштирилсин.

1.2. Шартноманинг қолган бандлари ўзгартиришсиз қолдирилсин.

2. КЕЛИШУВНИНГ АМАЛ ҚИЛИШИ

2.1. Ушбу Келишув томонлар томонидан имзоланган пайтдан бошлаб кучга киради.

2.2. Ушбу Келишув ва илгари тузилган Шартнома қоидалари ўртасида зиддият юзага келган тақдирда, мазкур Келишувнинг қоидалари қўлланилади.

3. ҚЎШИМЧА ШАРТЛАР ВА ЯКУНЛОВЧИ ҚОИДАЛАР

3.1. Мазкур Келишув томонларнинг келишувига биноан ўзгартирилиши ёки тўлдирилиши мумкин.

3.2. Томонларнинг жавобгарлиги Ўзбекистон Республикасинининг амалдаги қонунчилигига мувофиқ белгиланади.

3.3. Ушбу Келишув кучга кирган пайтдан бошлаб Шартноманинг ажралмас қисмига айланади.

3.4. Келишувнинг амал қилиш муддати тугаши тарафларни уни бузганлик учун жавобгарликдан озод қилмайди.

3.5. Ушбу Келишув бўйича, шунингдек Шартнома бўйича томонлар ўртасида юзага келадиган барча келишмовчилик ёки низолар музокара йўли билан ҳал этилади.

Келишув юзасидан низолар музокаралар йўли билан ҳал этилмаса, улар Ўзбекистон Республикаси қонунчилигига асосан суд тартибида ҳал этилади.

3.6. Мазкур Келишувда кўзда тутилмаган, у билан боғлиқ бўлган барча муносабатлар Ўзбекистон Республикасининг амалдаги қонунчилиги билан тартибга солинади.

3.7. Мазкур Келишув бир хил юридик кучга эга бўлган уч нусхада тузилиб, “Ижарага берувчи”, “Ижарага оловучи” ва Давлат кадастрлари палатасининг **Иштихон** туман (шаҳар) филиалига бир нусхадан берилади.

4. ТОМОНЛАРНИНГ ЮРИДИК МАНЗИЛЛАРИ ВА БАНК РЕКВИЗИТЛАРИ:

“Ижарага берувчи”
Иштихон туман ҳокими
A. Алиев

“Ижарага оловучи”
“Шодлик” фермер хўжалиги бошлиғи
A. Жўраев

X/в:

СТИР -

Банк коди -

X/в:

СТИР -

Банк коди-

м.ў. /имзо, мансаби Ф.И.О/

м.ў. /имзо, мансаби Ф.И.О/

Келишув 20__ йил ____ да __сон тартиб рақами билан Давлат кадастрлари палатасининг **Иштихон** туман (шаҳар) филиалида давлат рўйхатидан ўтказилган.

м.ў. /имзо, лавозими, Ф.И.О./

ФЕРМЕР ХЎЖАЛИГИНИНГ ЙИҒИЛИШИ БАЁНИ НАМУНАСИ

**“Шинам” фермер хўжалигининг умумий йиғилиши
БАЁНИ**

2023 йил “1” март

2-сон

Иштихон тумани

Йиғилиш раиси:

А. Бозорқулов – “Шинам”
фермер хўжалиги бошлиғи

Қатнашдилар:

фермер хўжалигининг
15 нафар ишчи
ходимларидан **12** нафари
иштирок этди (ёки барча
ишчи ходимлари иштирок
этди)

КУН ТАРТИБИ

1. “Шинам” фермер хўжалиги бошлиғини ўзгартириш ҳамда
тегишли ҳужжатларни расмийлаштиришни ташкил этиш тўғрисида

Йиғилиш кун тартибидаги масала юзасидан “Шинам” фермер
хўжалиги бошлиғи **А. Бозорқулов** сўзга чиқиб, _____ (*куйидаги
сабаблардан бироқ қўрсатилади* – (1) пенсия ёшига тўлганлиги,
(2) меҳнат қобилиятыни ўқотганлиги, (3) муддатли ҳарбий хизматга
чақирилганлиги, (4) олий таълим муассасаларига қундузги ўқишига
қабул қилинганлиги, (5) сайлаб қўйиладиган лавозимларга
сайланганлиги) сабабли “Фермер хўжалиги тўғрисида”ги Қонуннинг
13-моддасига мувофиқ фермер хўжалиги бошлиғи **турмуш ўртоғи**
(ёки оила аъзоларидан бироқ) **О. Тўраевага** ижара шартномаси амал
қилишининг қолган муддатига ўтказиб бериш тўғрисида алоҳида
тўхталиб ўтди.

Шунга кўра, “Шинам” фермер хўжалиги бошлиғи
А. Бозорқулов Иштихон туман ҳокимлиги ва “Шинам” фермер
хўжалиги ўртасида **2012 йил 5 июль куни** тузилган “Фермер
хўжалиги томонидан ер участкасини узоқ муддатли ижарага олиш
тўғрисида”ги **320-сон** шартномаси ва фермер хўжалиги уставига
тегишли ўзгартириш киритиш ҳамда ерга бўлган хуқуқларни давлат
рўйхатидан ўтказиш лозимлигини билдириди.

Шундан сўнг йиғилиш кун тартибидаги масала юзасидан
фермер хўжалиги аъзолари _____, _____,
_____ лар фермер хўжалиги бошлиғининг таклифини
фермер хўжалиги аъзолари номидан **бир овоздан матьқулладилар**.

Йиғилиш сүнгіда “**Шинам**” фермер хұжалиги бошлиғи **А. Бозорқұлов** йиғилиш қатнашчиларидан қандай құшимчалар борлигини сүради ҳамда таклифлар киритишлари мүмкінлегін тушунтируди.

Кун тартибидаги масаланы атрофлича мұхокама этиб, йиғилиш
ҚАРОР ҚИЛАДИ

1. “**Шинам**” фермер хұжалиги бошлиғи **А. Бозорқұловнинг** йиғилиш кун тартибидаги масала юзасидан берган топшириқлари маълумот ва ижро учун қабул қилинсін.

2. “**Шинам**” фермер хұжалиги бошлиғи **А. Бозорқұловнинг** *(қуйидаги сабаблардан бири құрсатилади – (1) пенсия ёшига түлгәнлиги, (2) меҳнат қобилятини үйқотғанлиги, (3) муддатли ҳарбий хизматта чақирилғанлиги, (4) олий таълим мұассасаларига қундузги үқишиң қабул қилингандығы, (5) сайлаб қўйиладиган лавозимларга сайланғандығы)* сабабли эгаллаб турған вазифасидан озод этилсін.

3. “**Шинам**” фермер хұжалиги бошлиғи этиб **О. Тұраева** тайинлансын.

4. “**Шинам**” фермер хұжалиги бошлиғи этиб тайинланған **О. Тұраевага**:

– Иштихон туман ҳокимлиги ва “**Шинам**” фермер хұжалиги ўртасида **2012 ыйл 5 июль куни** тузилған “Фермер хұжалиги томонидан ер участкасини узоқ муддатли ижарага олиш түғрисида”га ўзgartириш киритиш юзасидан туман ҳокимлигига ариза билан мурожаат қилиш;

– фермер хұжалигининг янгиланған уставини қайта давлат рўйхатидан ўтказиш учун Ягона интерактив давлат хизматлари портали (ty.gov.uz) орқали ёки давлат хизматлари марказига ўзи борган ҳолда мурожаат қилиш;

– ер участкасига бўлган ҳуқуқни давлат рўйхатидан ўтказиш учун **давлат хизматлари марказига** ижара шартномасига ўзgartириш киритилған кундан бошлаб **бир ой ичида** мурожаат қилиш вазифалари юклатилсін.

5. **О. Тұраевага** “**Шинам**” фермер хұжалигининг муҳри ва бошқа хужжатлари топширилсін.

6. Йиғилиш баёнида келтирилған топшириқлар ижросини таъминлашни назорат қилиш **О. Тұраевага** юклатилсін.

Йиғилиш раиси:

А. Бозорқұлов

Имзо

Йиғилиш котиби:

Д. Бозорқұлов

Имзо

4-ИЛОВА

**ФЕРМЕР ХҮЖАЛИГИНИНГ БОШЛИГИ АЛМАШГАНЛИГИ
МУНОСАБАТИ БИЛАН ЕР ИЖАРА ШАРТНОМАСИГА ЎЗГАРТИРИШ
КИРИТИШ БҮЙИЧА ТУМАН (ШАХАР) ҲОКИМЛИГИГА
БЕРИЛАДИГАН АРИЗА НАМУНАСИ**

Иштихон тумани ҳокими
А. Алиевга

Иштихон туманида жойлашган
“**Шинам**” фермер хўжалиги
бошлиғи **О. Тўраевадан**

АРИЗА

“**Шинам**” фермер хўжалиги ҳамда туман ҳокимлиги ўртасида **2012 йил 5 июль** куни фермер хўжалиги томонидан ер участкасини узоқ муддатли ижарага олиш тўғрисида шартнома тузилган.

Мен **О. Тўраева** “Фермер хўжалиги тўғрисида”ги Қонуннинг 13-моддаси, “**Шинам**” фермер хўжалигининг **2023 йил 1 марта** умумий йиғилиш қарорига асосан **А. Бозорқуловнинг** ўрнига ижара шартномаси амал қилиш муддатининг қолган муддатига “**Шинам**” фермер хўжалигининг бошлиғи этиб сайландим (ёки тайинландим).

Юқоридагиларга қўра, туман ҳокимлиги ва фермер хўжалиги ўртасида **2012 йил 5 июль** куни “Фермер хўжалиги томонидан ер участкасини узоқ муддатли ижарага олиш тўғрисида”ги **320-сон** шартномага тегишли ўзгаришиш киритишингизни сўрайман.

Илова:

1. Фермер хўжалиги умумий йиғилиши **баёни**.
2. Фермер хўжалиги раҳбарини алмаштириш учун асос бўлувчи **хужжатлар** (**куйидагилардан бири илова қилинади**: пенсия гувоҳномаси, тиббий-ижтимоий эксперт комиссиясининг хulosаси, муддатли ҳарбий хизматга чақирилганлиги бўйича мудофаа ишлари бўлими хати, олий таълим муассасаларига кундузги ўқишга қабул қилинганлиги бўйича маълумотнома, сайланганлиги тўғрисида гувоҳнома).

Фермер хўжалиги раҳбари

Имзо
(Муҳр)

О. Тўраева

**5-ИЛОВА
ЕР ИЖАРА ШАРТНОМАСИГА ЎЗГАРТИРИШ КИРИТИШ БҮЙИЧА
УЧ ТОМОНЛАМА КЕЛИШУВНИНГ НАМУНАВИЙ ЛОЙИХАСИ**

**2012 йил 5 июлдаги “Фермер хўжалиги томонидан ер участкасини узоқ муддатли ижарага олиш тўғрисида”ги 320-сон шартномага фермер хўжалиги раҳбари ўзгарганлиги муносабати билан ўзгартириш киритиш ҳақидаги
КЕЛИШУВ**

2023 йил 10 март

554- сон

Иштихон тумани

Бундан буён матнда **“Ижарага берувчи”** деб юритилувчи **Иштихон** туман ҳокими **А. Алиев** бир томондан, бундан буён матнда **“Фермер хўжалиги амалдаги бошлиғи”** деб юритилувчи **“Шинам”** фермер хўжалиги собиқ бошлиғи **А. Бозорқулов** иккинчи томондан ва бундан буён матнда **“Фермер хўжалиги янги бошлиғи”** деб юритилувчи **О. Тўраева** учинчи томондан қуидагилар ҳақида мазкур Келишувни туздилар.

1. КЕЛИШУВ ПРЕДМЕТИ

1.1. Фермер хўжалигининг амалдаги бошлиғи қуидаги сабабларга (*қуидагилардан бири қўрсатилади*): (1) пенсия ёшига тўлганлиги, (2) меҳнат қобилиятини ўйқотганлиги, (3) муддатли ҳарбий хизматга чақирилганлиги, (4) олий таълим муассасаларига кундузги ўқишга қабул қилинганлиги, (5) сайлаб қўйиладиган лавозимларга сайланганлиги) кўра ўз вазифасини бажара олмаслиги сабабли, **“Шинам”** фермер хўжалиги умумий йиғилишининг **2023 йил 1 март**даги қарорига асосан фермер хўжалиги янги бошлиғи **О. Тўраева** тайинланган.

Шунга кўра, томонлар **“Ижарага берувчи”** ва **“Шинам”** фермер хўжалиги ўртасида **2012 йил 5 июлда** тузилган **“Фермер хўжалигига ер участкасини узоқ муддатли ижарага бериш тўғрисида”ги 320-сон** шартномага (кейинги ўринларда – **“Шартнома”** деб юритилади) қуидаги ўзгартириш ва қўшимчалар киритиш бўйича келишдилар:

а) Шартноманинг кириш қисми, реквизитларидаги **“Ижарага оловчи”** деб юритилувчи **“Шинам”** фермер хўжалиги бошлиғи **“А. Бозорқулов”** жумлаларидаги **“А. Бозорқулов”** деган сўзлар **“О. Тўраева”** деган сўзларга алмаштирилсин.

1.2. Шартноманинг қолган бандлари ўзгартиришсиз қолдирилсин.

2. КЕЛИШУВНИНГ АМАЛ ҚИЛИШИ

2.1. Ушбу Келишув томонлар томонидан имзоланган пайтдан бошлаб кучга киради.

2.2. Томонлар ўртасида илгари тузилган ушбу келишувга зид бўлган барча келишувлар ва шартлар мазкур келишув кучга кирган пайтдан бошлаб ўз кучини йўқотади.

2.3. Ушбу Келишув ва илгари тузилган Шартнома қоидалари ўртасида зиддият юзага келган тақдирда, мазкур Келишувнинг қоидалари қўлланилади.

3. ҚЎШИМЧА ШАРТЛАР ВА ЯКУНЛОВЧИ ҚОИДАЛАР

3.1. Мазкур Келишув томонларнинг келишувига биноан ўзгартирилиши ёки тўлдирилиши мумкин.

3.2. Томонларнинг жавобгарлиги Ўзбекистон Республикасининг амалдаги қонунчилигига мувофиқ белгиланади.

3.3. Ушбу Келишув кучга кирган пайтдан бошлаб Шартноманинг ажралмас қисмига айланади.

3.4. Келишувнинг амал қилиш муддати тугаши тарафларни уни бузганлик учун жавобгарликдан озод қилмайди.

3.5. Ушбу Келишув бўйича, шунингдек Шартнома бўйича томонлар ўртасида юзага келадиган барча келишмовчилик ёки низолар музокара йўли билан ҳал этилади.

Келишув юзасидан низолар музокаралар йўли билан ҳал этилмаса, улар Ўзбекистон Республикаси қонунчилигига асосан суд тартибида ҳал этилади.

3.6. Мазкур Келишувда кўзда тутилмаган, у билан боғлиқ бўлган барча муносабатлар Ўзбекистон Республикасининг амалдаги қонунчилиги билан тартибга солинади.

3.7. Мазкур Келишув берилади, “Ижарага берувчи”, “Фермер хўжалиги собиқ бошлифи”, “Фермер хўжалиги янги бошлифи” ва Давлат кадастрлари палатасининг **Иштихон** туман (шаҳар) филиалига бир нусхадан берилади.

4. ТОМОНЛАРНИНГ ЮРИДИК МАНЗИЛЛАРИ ВА БАНК РЕКВИЗИТЛАРИ:

“Ижарага берувчи”
Иштихон туман ҳокими
А. Алиев

“Ижарага оловчи”
“Шинам” фермер хўжалиги янги
 бошлифи **О. Тўраева**

X/в: СТИР -	Х/в: Банк коди -
----------------	---------------------

м.ў. /имзо, мансаби Ф.И.О./	м.ў. /имзо, мансаби Ф.И.О./
-----------------------------	-----------------------------

“Ижарага оловчи”
“Шинам” фермер хўжалиги собиқ
 бошлифи **А. Бозоркулов**

м.ў. /имзо, мансаби Ф.И.О./

Келишув 20__ йил ____ да ____ сон тартиб рақами билан Давлат кадастрлари палатасининг **Иштихон** туман (шаҳар) филиалида давлат рўйхатидан ўтказилган.

м.ў. /имзо, лавозими, Ф.И.О./